

1. CONVOCATORIA

Os Premios Galicia Alimentación foron postos en marcha no ano 2014 polo Clúster Alimentario de Galicia (Clusaga) co compromiso de pór en valor a calidade e profesionalidade do sector, de aumentar a capacidade innovadora e de recoñecer as accións de emprendemento, dixitalización, innovación, sustentabilidade, marketing e internacionalización na industria. Para o seu desenvolvemento, a organización conta con colaboradores e patrocinadores de carácter público e privado. En 2021, os Premios Galicia Alimentación celebrarán a súa sétima edición.

2. OBXECTIVO

Clusaga concede os Premios Galicia Alimentación 2021 co obxectivo de contribuír a promocionar os produtos alimentarios e as bebidas, os proxectos e as empresas e institucións relacionadas e a mellorar a súa imaxe e posición, de maneira que adquiran unha importancia relevante tanto dentro do sector alimentario como da sociedade en xeral. Con eles búscase estimular aos diferentes elementos da cadea alimentaria na produción, transformación, distribución, utilización, coñecemento e consumo destes alimentos, así como recoñecer o seu esforzo comercial, innovador e de desenvolvemento sustentable.

Con eles valórase a traxectoria empresarial ou asociativa e a transferencia de coñecementos tecnolóxicos e I+D nos produtos, así como nos procesos que melloren a calidade de vida dos consumidores e a relevancia socioeconómica no mercado nacional e internacional.

3. CATEGORÍAS

Na sétima edición premiaranse as seguintes categorías:

- **Premio Galicia Alimentación ao produto innovador.** Dirixido a situar o sector alimentario galego como provedor de produtos seguros, funcionais e de calidade diferenciada, a través do desenvolvemento de novos artigos caracterizados pola súa innovación, potencial comercial, deseño, posibilidade de agregar valor aos produtos galegos e adaptación ás demandas do consumidor, con especial atención á relación entre nutrición e saúde.
- **Premio Galicia Alimentación ao proxecto empresarial ou institucional.** Recoñecerá o proxecto innovador, institución, organización ou empresa de especial relevancia, destacada ou singular, que se caracterice pola súa innovación na organización, produción e/ou modelo de negocio; desenvolver produtos ou servizos innovadores no ámbito da cadea de valor dos alimentos e bebidas, incluíndo o desenvolvemento tecnolóxico cara á fábrica do futuro 4.0 e cumprimento dos Obxectivos de Desenvolvemento Sustentable (ODS); ou sobresaia polo seu carácter emprendedor e cooperativo e a súa visión estratéxica.
- **Premio Galicia Alimentación á estratexia de mercado.** Dirixido a galardoar o esforzo de empresas e organizacións da industria de alimentación e bebidas para acceder, desenvolver e consolidar a súa posición no mercado nacional e internacional. Valorarase o desenvolvemento do seu plan de marketing para o posicionamento en novos nichos e a orientación ao consumidor e a innovación na súa estratexia de internacionalización.

Ademais, en caso de concorrencia de institucións e organizacións con empresas nalgunha das categorías anteriores, o xurado poderá resolver agrupalas nunha **cuarta categoría extraordinaria específica á proxección do sector alimentario e bebidas**. Nela poderán ter

cabida as institucións e organizacións que se distinguan polo seu labor en favor do apoio ás iniciativas empresariais, ao emprendemento, á sustentabilidade e á innovación no sector. Así mesmo, valorarase a traxectoria e o traballo desenvolvido por institucións situadas fóra e dentro de España que se caractericen polo seu labor en favor da promoción da calidade e a imaxe dos produtos alimentarios e bebidas galegas, actuando, así, como verdadeiros embaixadores dos alimentos de Galicia.

Doutra banda, recóllese a posibilidade de establecer a categoría **Premio Honorífico Galicia Alimentación, por acordo da Xunta Directiva do Clúster Alimentario de Galicia**. Devandito recoñecemento está dirixido a personalidades nas que se valora a especial relevancia e traxectoria profesional na industria alimentaria á hora de impulsar o fortalecemento e a xeración de valor engadido, cunha notable visión da cultura da innovación e da sustentabilidade, que se distinga polo seu labor en favor do sector alimentario galego desde o sector público ou privado.

4. PARTICIPANTES

Poden presentar candidatura aos Premios Galicia Alimentación 2021 persoas físicas, autónomas, micro, medianas e grandes empresas, que teñan sede social ou centros produtivos ou exerzan a súa actividade comercial ou transformadora en Galicia, e institucións galegas ou situadas fóra do territorio, que desenvolvesen actividades en favor dos produtos alimentarios galegos. Devanditos produtos deberán ter orixe ou ser transformados en Galicia ou na frota pesqueira dunha empresa galega.

Non poderán presentar proxectos aquelas persoas que teñan participación directa na organización do concurso ou na avaliación dos proxectos. Tampouco, aquelas empresas que non compartan os obxectivos de Clusaga ou incumpran os requisitos do regulamento do réxime interno. Igualmente, non poderá optar ao premio ningunha persoa física ou xurídica que fose sancionada, con resolución que puxese fin á vía administrativa, por calquera Administración Pública.

Os premiados en edicións anteriores poden presentar candidatura novamente na mesma categoría que resultaron gañadores ou en calquera outra.

5. PRESENTACIÓN DE CANDIDATURAS

Para presentar candidatura á VII edición dos Premios Galicia Alimentación débese descargar o documento de inscrición da categoría correspondente aloxado na páxina web <https://www.clusteralimentariodegalicia.org/sobre-el-clusaga/premios-galicia-alimentacion>, cumprimentalo, asinalo e achegalo en formato pdf, a través do formulario dispoñible en: <https://www.clusteralimentariodegalicia.org/sobre-el-clusaga/premios-galicia-alimentacion>.

Unha mesma entidade ou profesional pode presentar candidaturas a diferentes categorías, cumprindo para iso o formulario correspondente en cada caso.

6. PRAZOS E DATAS

- Prazo de presentación de candidaturas: do 7 de abril ao 1 de xuño de 2021 ás 14 horas.
- Acto de entrega dos premios e publicación dos premiados: 30 de xuño de 2021.

7. ENTREGA DE PREMIOS

A entrega dos premios efectuarase nun acto público, convocado ao efecto, ao que se dotará da transcendencia e solemnidade adecuadas, en liña co seis edicións xa realizadas. Terá lugar o 30 de xuño de 2021, respectando e cumprindo o protocolo sanitario existente nese momento.

8. PREMIO

Os premios consistirán nunha escultura acreditativa. Se o galardoador na categoría de proxecto empresarial fose unha entidade de nova creación, cunha antigüidade menor a cinco anos, beneficiarase así mesmo da pertenza a Clusaga durante un ano e de apoio no desenvolvemento do seu plan de empresa.

Quen recibisen un galardón poderán facer mención do premio nas súas accións de promoción e de publicidade, facendo sempre referencia de forma destacada ao premio, edición e entidades convocantes e colaboradoras do mesmo.

O Clúster Alimentario de Galicia contará coa colaboración de quen reciban os galardóns para as diferentes accións de promoción que desenvolva.

9. XURADO

A avaliación dos proxectos e a selección dos mesmos serán realizadas por un grupo avaliador integrado polo equipo técnico de Clusaga e un xurado designado polos organizadores.

Para facilitar o labor do xurado, o equipo técnico realizará unha preselección das propostas, mediante a valoración obxectiva das mesmas, descartando as que non cumpran os requisitos de excelencia necesarios para a súa selección polo xurado. O equipo técnico estará integrado por un número de membros non inferior a tres, entre o propio persoal de Clusaga e expertos colaboradores externos habituais nas áreas temáticas de cada categoría.

Os premios fallaranse por un único xurado integrado por un número de membros non inferior a cinco, que serán designados pola xunta delegada de Clusaga, a proposta da xerencia, entre persoas e entidades de recoñecido prestixio nas actividades obxecto dos respectivos premios e entre os que propoñan as institucións colaboradoras, de forma que quede garantida ao máximo a idoneidade, competencia e independencia do mesmo.

Entre os integrantes do xurado estarán dous membros da xunta directiva do Clúster Alimentario de Galicia e a xerencia de Clusaga.

A presidencia do xurado será ostentada polo presidente de Clusaga, que contará con voto de calidade, ou pola persoa que este designe. A función de secretaría será exercida pola xerencia do Clúster Alimentario de Galicia, que actuará con voz e sen voto.

O xurado valorará as solicitudes e documentacións presentadas, así como as accións levadas a cabo polos participantes que contribúan a promover os obxectivos enunciados nas diferentes categorías. Previamente á deliberación, establecerá o sistema de votación que considere máis adecuado.

Por outra banda, o xurado poderá, motivadamente, propor un máximo dun galardoador por cada premio ou declarar deserta a convocatoria ou algún dos premios. Con carácter excepcional, terá a posibilidade de propor un máximo de dous premios *ex aequo* para dúas propostas dun nivel de excelencia equivalente en calquera das categorías dos premios.

10. SELECCIÓN DE CANDIDATURAS

O xurado terá en conta os seguintes criterios xerais:

- A adecuación do proxecto ou produto aos obxectivos definidos no artigo 3.
- A innovación, novidade, orixinalidade do produto ou proxecto, adaptación aos cambios do mercado global e ás demandas do consumidor e o seu beneficio na mellora da calidade de vida das persoas.
- A repercusión económico-social do proxecto e a súa posibilidade de crecemento e expansión.
- A calidade formal da proposta e o modelo organizativo e de financiamento empregado.
- O modelo de traballo en equipo, colaboración, redes de interconexión.
- A traxectoria dos profesionais (resultados, compromisos...), o seu carácter emprendedor e a execución do proxecto, cos seus medios de difusión ou comercialización do produto.
- A promoción e integración dos diferentes elementos da cadea alimentaria na produción, transformación, distribución, utilización, coñecemento e consumo dos nosos alimentos.
- O papel a favor da promoción da calidade, a imaxe dos produtos alimentarios e bebidas galegas actuando así, como verdadeiros promotores da marca Galicia asociada á excelencia en alimentos e bebidas.

Ademais, os criterios específicos de cada categoría serán os seguintes:

- Premio Galicia Alimentación ao produto innovador. Poderán concorrer novos produtos caracterizados pola súa innovación, potencial comercial, deseño, posibilidade de agregar valor aos produtos galegos e adaptación ás demandas do consumidor, con especial atención á relación entre nutrición e saúde.
- Premio Galicia Alimentación ao proxecto empresarial ou institucional. Premiarase o proxecto innovador, institución, organización ou empresa de especial relevancia, destacada ou singular, que se caracterice pola súa innovación en organización, produción e/ou modelo de negocio, que desenvolva produtos ou servizos innovadores no ámbito da cadea de valor dos alimentos e bebidas, incluíndo o desenvolvemento tecnolóxico cara á fábrica do futuro 4.0 ou cumprimento dos Obxectivos de Desenvolvemento Sustentable (ODS), ou que destaque polo seu carácter emprendedor e cooperativo e a súa visión estratéxica.
- Premio Galicia Alimentación á estratexia de mercado. Destinado a empresas e organizacións da industria de alimentación e bebidas que traballen para acceder, desenvolver e consolidar a súa posición no mercado nacional e internacional. Valorarase a innovación na estratexia de internacionalización, a evolución e dinamismo e o desenvolvemento do seu plan de marketing, para o posicionamento en novos nichos e a orientación ao consumidor, adaptándose ás novas tendencias de consumo.

A votación do xurado será secreta e os datos e información das candidaturas serán tratados con total confidencialidade pola súa banda. Se algún membro do xurado tivese algún interese de tipo profesional ou persoal con algún dos participantes, absterase de votar na categoría/s afectada/s.

11. RESPONSABILIDADES E CONDICIÓN S

Os gañadores serán informados pola organización, a través dos datos de contacto facilitados polos participantes no formulario de inscrición, co obxectivo de que estean presentes no momento de recoller o premio. **O resto de participantes coñecerán o fallo do xurado o**

mesmo día de entrega dos Premios Galicia Alimentación.

Calquera instancia non prevista polas presentes bases e condicións será resolta polos organizadores e os participantes acatarán estas decisións de forma inapelable.

Os organizadores resérvanse o dereito de modificar os prazos das distintas etapas, así como tamén calquera aspecto que ao seu criterio implique melloras organizativas no concurso e os seus procedementos.

O feito de presentar candidaturas aos premios supón a plena aceptación das súas bases por parte dos participantes.

12. COMUNICACIÓN E PUBLICIDADE

As presentes bases publicaranse na web do Clúster Alimentario de Galicia (<https://www.clusteralimentariodegalicia.org/>).

Os datos que se completen no formulario de inscrición poderán ser utilizados na campaña de difusión dos Premios Galicia Alimentación.

Todas as comunicacións oficiais por parte da organización aos participantes realizaranse a través da páxina oficial www.clusteralimentariodegalicia.org e do correo electrónico comunicacion@clusaga.org.

13. ORGANIZACIÓN E PATROCINADORES

As seguintes entidades organizan, participan e/ou apoian os Premios Galicia de Alimentación 2021:

- Institucións: Xunta de Galicia (varias Consellerías e organismos).
- Patrocinadores. En categoría ouro: Caixa Rural Galega, Gadis e Vegalsa Eroski. En categoría bronce: Corporación Laber.

Por outra banda, conforman os xurado Premios Galicia Alimentación representantes das institucións e organismos públicos colaboradores, patróns dos premios, representantes das universidades e centros de coñecemento galegos, representantes dos premiados en edicións anteriores, membros da xunta directiva e a xerencia do Clúster Alimentario de Galicia.

14. CONFIDENCIALIDADE E TRATAMENTO DE DATOS

O feito de participar nos Premios Galicia Alimentación supón a aceptación das presentes bases por parte do candidato. O Clúster Alimentario de Galicia resérvase o dereito de efectuar calquera cambio, aclaración ou rectificación das bases legais, sempre facendo públicos devanditos cambios coa mesma publicidade que se lle dea ás presentes bases.

En cumprimento do establecido na Lei Orgánica 3/2018, de 5 de decembro, de Protección de Datos Personais e garantía dos dereitos dixitais, o Clúster Alimentario de Galicia con domicilio en Edificio FEUGA of. 18, Rúa Lope Gómez de Marzoa s/n, Campus Vida CP15705, Santiago de Compostela (A Coruña), informa que os datos dos participantes pasarán a formar parte da base de datos do Clúster coa finalidade de posibilitar a participación nos "Premios Galicia Alimentación" de conformidade co disposto nas bases legais.

Así mesmo, os premiados autorizan a comunicación dos seus datos ás entidades colaboradoras do Clusaga para posibilitar a entrega do premio, así como a doutros colaboradores que puidesen formar parte da presente promoción co fin descrito.